



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ

Ո Ր Ո Շ ՈՒ Մ N_71

Տուգանք նշանակելու մասին

04.04.2023թ.

ք. Երևան

Քննելով տեսչական մարմնի ղեկավարի կողմից 2023թ. մարտի 17-ին «ԱՆՆԱ ՊԵՏՐՈՍՅԱՆ ՀԵՆՐԻԿԻ» Ա/Ձ-ի /ՀՎՀՀ՝ 25344048/ նկատմամբ հարուցված թիվ 01 վարչական վարույթի նյութերը (23.01.2023թ. թիվ 55-Ա հրաման, տեխնիկական կանոնակարգերով սահմանված պահանջների և թանկարժեք մետաղների վերահսկողության վարչության պետի 07.03.2023թ. զեկուցագիրը, ստուգում իրականացնող պետական մարմնի աշխատանքին խոչընդոտելու վերաբերյալ 07.03.2023թ. արձանագրությունը և այլ նյութերը).

Պ Ա Ր Զ Ե Ց Ի՝

Տեսչական մարմնի ղեկավարի 2023 թվականի հունվարի 23-ի N 55-Ա հրամանով տեսչական մարմնի տեխնիկական կանոնակարգերով սահմանված պահանջների և թանկարժեք մետաղների վերահսկողության վարչության ծառայողներին հանձնարարվել է ստուգում իրականացնել «ԱՆՆԱ ՊԵՏՐՈՍՅԱՆ ՀԵՆՐԻԿԻ» Ա/Ձ-ում:

Տեսչական մարմնի ստուգում իրականացնող ծառայողները /Ն.Մկրտչյան և Մ.Գասպարյան/ 2023 թվականի հունվարի 23-ին ժամը 15:30-ի սահմաններում ստուգման հրամանը ծանոթացնելու և ստուգումն իրականացնելու համար այցելել են ՀՀ, ք. Երևան, Հր. Քոչար 25, 43 հասցեում գտնվող «ԱՆՆԱ ՊԵՏՐՈՍՅԱՆ ՀԵՆՐԻԿԻ» Ա/Ձ-ի գործող խանութ սրահ: Սակայն, ստուգման վայրում Աննա Պետրոսյանի ամուսին ներկայացած անձը թույլ չի տվել Աննա Պետրոսյանին ներկայանալ ստուգման վայր, միաժամանակ դրսևորել է անհարգալից վերաբերմունք Տեսչական մարմնի ծառայողների նկատմամբ, թույլ չտալով իրականացնել օրենքով սահմանված կարգով ստուգումը:

Քանի որ Աննա Պետրոսյանը հրաժարվել է ներկայանալ ստուգման վայր, ինչպես նաև ստանալ և ստորագրել ստուգման թիվ 55-Ա հրամանը և ստուգման նպատակներին առնչվող այլ փաստաթղթեր, 23.02.2023թ.-ին 55-Ա հրամանը ուղարկվել է նաև փոստային առաքմամբ, սակայն հետ է վերադարձվել Տեսչական մարմին, քանի որ Աննա Պետրոսյանը հրաժարվել է այն ստանալ: 28.02.2023թ.-ին ստուգման թիվ 55-Ա հրամանը տեղադրվել է հրապարակային ծանուցումների պաշտոնական կայքէջ:

Տեսչական մարմնի ստուգում իրականացնող ծառայողները 2023 թվականի մարտի 7-ին, ժամը 11:20-ին կրկին ստուգում իրականացնելու նպատակով այցելել են ք. Երևան, Հր. Քոչար 25, 43 հասցեում գործող խանութ սրահ, սակայն Աննա Հենրիկի Պետրոսյանը ստուգման վայրում չի եղել, իսկ խանութի աշխատակիցը տրամադրել է Ա/Ձ-ի հետևյալ հեռախոսահամարը՝ 099364050, որից հետո Ա/Ձ-ի ամուսին ներկայացած անձը կրկին թույլ չտալով Աննա Պետրոսյանին ներկայանալ ստուգման վայր, թույլ չտալով իրականացնել ստուգում:

Նշվածի վերաբերյալ 2023 թվականի մարտի 07-ին կազմվել է արձանագրություն ստուգում իրականացնող պետական մարմնի աշխատանքը խոչընդոտելու վերաբերյալ:

Այսպիսով, Աննա Պետրոսյանը վերոնշյալ գործողություններով խոչընդոտել է ստուգում իրականացնող պետական մարմնի աշխատանքին՝ այն է, ՀՀ շուկայի վերահսկողության տեսչական մարմնի ղեկավարի 23.01.2023թ. 55-Ա հրամանով իրականացվելիք ստուգմանը: Չի կատարել ստուգում իրականացնող պաշտոնատար անձանց օրինական պահանջները, հրաժարվել է տրամադրել ստուգման նպատակներին անմիջականորեն առնչվող փաստաթղթեր, տվյալներ, չի ներկայացել ստուգման վայր, հրաժարվել է ստանալ ստուգման թիվ 55-Ա հրամանը, որն առաջացնում է պատասխանատվություն Վարչական իրավախախտումների վերաբերյալ Հայաստանի Հանրապետության օրենսգրքի 182¹ հոդվածով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 182¹ հոդվածով:

Ո Ր Ո Շ Ե Ց Ի՝

1. Տվյալ իրավախախտման համար պատասխանատու ճանաչել Աննա Հենրիկի Պետրոսյանին /հասցե՝ ՀՀ Կոտայքի մարզ, Դուրյան թղմ. 13 փ., 2/1 շ., 45 բն. / և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 182¹ հոդվածով նախատեսված պատասխանատվության միջոցը, սահմանել տուգանք՝ 250 000 /երկու հարյուր հիսուն հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ